



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

4. De eodem, alio sensu.

urn:nbn:de:hbz:466:1-12221

(1)

Ex Adami velut ingenito producitur Eua,
Ex utroque carens *labe* creator Abel.
A teneris pater unguiculis, a lacte pusillos,
Hanc mater Triadem, Signa Crucisque doce.

SYMBOLUM 3.

In principio creavit Deus Cœlum & Terram &c. Spiritus Domini ferebatur super aquas. *Quibus verbis tres in Deitate personas probat S. Aug. de Trinitate & Vnitate Dei. Mibi tom. 4. fol. 228.*

Condidit immensæ summus primordia molis,
(a) Conceptu æterno cuncta creante, Pater.
Sidera cum cælis, terre digesta creavit
Corpora, Principium, Principioque carens.
(b) Qui circumfusis impendet & incubat undis,
(c) Fœcundat Sacras Spiritus unus aquas.

(a) *Ioh 1. & psal. 32. & alibi.* (b) *S. Hier. Basil. & pñè omnes SS. PP. de Spir. Santo intelligunt.* (c) *Allegoria ad baptismum ex Hier. epist. 83 ad Oceanum.*

SYMBOLUM 4.

Alio sensu

In principio creavit Deus &c. in hebræo pro Deus habetur Elohim in plurali, quasi Dij vel Judices: unde Elohim plurimalitatem indicat scil. personarum; Creavit in numero singulare unitatem essentiæ. Ita Lyranus, Magister, & Scholasticæ multi, lib 2. sent. dist. 1. Cunc-

(2)

C Uncta creans Elohim, (ceu textus dicit hebræus)
Principio mundi; Symbolon est Triadis.

Dum plures Elohim personas signat, & unam
Actio naturam, quâ bona cuncta fluunt.

(a) Principium rerum Deus est, ac terminus idem,
Illi studeat quilibet esse memor.

(a) Isaiae. 41. & Apocal. 1. A te principium tibi desinet, dicit Virg.

SYMBOLUM 5.

Faciamus hominem ad imaginem nostram, ubi ly faciamus & nostram, personalem pluralitatem designant, ly imaginem, unam naturam. S. Aug. lib. de fide ad Petrum, alia tom. 3. fol. 48. item tom. 5. fol. 125. & scholastici apud Magist. loc. cit.

T Res subsistentes, qui maiestate sit unum
Numen adorandum, vox faciamus, habet.
Plurali numero si neetas particularem,
Unus cum Trino proditur esse Deus.
O Decus eximum! decoratur imagine summi
Mens humana Dei, quam violare nefas.

SYMBOLUM 6.

Tres camerae in arca Noë. Gen. 6. Habetur apud S. Aug. pro Symbolo serm. 69. de temp. alia tom. 10. fol 161. ubi ait: Triplex enim arca est Ecclesia, quæ Trinitatis continet Sacramentum.

Ar-